



**PÓST- OG FJARSKIPTASTOFNUN**

**JÖFNUNARSJÓÐUR**

**Skýrsla um jöfnunarsjóð alþjónustu  
fyrir árið 2009**

**Nóvember 2010**

# EFNISYFIRLIT

1.	Inngangur .....	3
1.1.	Almennt .....	3
1.2.	Alþjónusta .....	3
1.3.	Um jöfnunarsjóð .....	4
1.3.1.	Álagningarprósenta jöfnunargjalds .....	5
1.4.	Markaðshagur og fl. ....	5
2.	Umsóknir um framlög úr jöfnunarsjóði vegna ársins 2009 .....	6
2.1.	Mál fyrir dómstólum .....	7
3.	Yfirlit yfir álagningu á fjarskiptafyrirtæki .....	8
3.1.	Yfirlit yfir álagningu, breytingar, afskriftir og innheimtu á árinu 2009 .....	8
3.2.	Staða jöfnunarsjóðs .....	9
4.	Lokaorð .....	10

## 1. Inngangur

### 1.1. Almenn

Póst- og fjarskiptastofnun er vörslu- og umsýsluaðili jöfnunarsjóðs samkvæmt 22. gr. laga um fjarskipti nr. 81/2003, (hér eftir fjarskiptalög). Jöfnunarsjóður er aðskilinn frá fjárhag Póst- og fjarskiptastofnunar og hefur sérstakt fjárlaganúmer.

Samkvæmt 6. mgr. 22. gr. fjarskiptalaga skal Póst- og fjarskiptastofnun birta upplýsingar um útreikning kostnaðar vegna alþjónustukvaða, sundurliðaðan lista yfir einstakar greiðslur fyrirtækja í jöfnunarsjóð og greinargerð um þann ávinning sem stofnunin telur að fjarskiptafyrirtæki sem veita alþjónustu hafi haft af því að veita þjónustuna. Póst- og fjarskiptastofnun birtir nú í fjórða sinn yfirlitsskýrslu um framlög fjarskiptafyrirtækja í jöfnunarsjóð, ásamt yfirliti yfir þær skuldbindingar sem fallið hafa á jöfnunarsjóð. Í skýrslunni verður einnig sagt frá lyktum dómsmáls vegna kröfu Símans um greiðslu dráttarvaxta sem Síminn taldi að sjóðurinn ætti að greiða. Þótt umfjöllun um þennan dóm falli ekki strangt til tekið undir það uppgjörsár sem hér er til umfjöllunar þykir stofnuninni eðlilegt, samhengisins vegna, að greina frá niðurstöðu héraðsdóms Reykjavíkur í málinu.

### 1.2. Alþjónusta

Við afnám einkaréttar á fjarskiptaþjónustu þann 1. janúar 1998, varð til nýtt hugtak í fjarskiptarétti svokölluð alþjónusta. Með alþjónustu er leitast við að jafna aðgang landsmanna að tiltekinni lágmarks fjarskiptaþjónustu óháð búsetu. Núgildandi reglur um alþjónustu eru í VI. kafla laga um fjarskipti nr. 81/2003 og í reglugerð um alþjónustu nr. 1356/2007.

Póst- og fjarskiptastofnun er heimilt að útnefna aðila einn eða fleiri til þess að bjóða alþjónustu á ákveðnum svæðum eða eftir þjónustutegundum.

Eftirfarandi þjónusta er nú skilgreind sem alþjónusta, sbr. 3. mgr. 19. gr. fjarskiptalaga, sbr. 4. gr. reglugerðar um alþjónustu:

- Almenn talsímaþjónusta
- Handvirk þjónusta (aðstoð talsímavarðar)
- Þjónusta við öryrkja eða notendur með sérstakar þjóðfélagsþarfir
- Gagnaflutningsþjónusta með 128 Kb/s flutningshraða
- Aðgangur að símaskrá með öllum símanúmerum og upplýsingaþjónusta um öll símanúmer
- Almennings símar
- Aðgangur að neyðarþjónustu og svörun neyðarsímtala

Þau fyrirtæki sem í dag hvílir á skylda til að veita alþjónustu samkvæmt fjarskiptalögum eru Neyðarlínan ohf., Míla ehf., Síminn hf. og Já Upplýsingarveitur ehf. Með ákvörðun Póst- og fjarskiptastofnunar nr. 17/2009 var Neyðarlínan útnefnd með skyldu til að veita

alþjónustu vegna aðgangs að neyðarþjónustu og svörun neyðarsímtala (neyðarsvörun) á sviði talsímaþjónustu.

Með ákvörðun Póst- og fjarskiptastofnunar nr. 25/2007 um útnefningu fjarskiptafyrirtækja með skyldu til að veita alþjónustu var öðrum alþjónustuskuldum skipt upp á milli Mílu ehf. sem hefur skyldu til að veita aðgang að almenna fjarskiptanetinu, Símans hf., sem hefur skyldu til að veita talsímaþjónustu, gagnaflutningsþjónustu með 128 Kb/s flutningsgetu, ásamt skyldu til að reka almenningssíma um land allt. Já upplýsingaveitur ehf., sem hafa skyldu til að gefa út símaskrá og reka upplýsingaþjónustu um símanúmer í númerinu 118. Þá er einnig kveðið á um að Síminn og Já upplýsingaveitur skuli verða við öllum sanngjörnum kröfum hagsmunasamtaka öryrkja sem leitast við að jafna aðgang félagsmanna þeirra að þeirri þjónustu sem fellur undir alþjónustu.

Öllum fyrirtækjunum ber að veita þjónustu um allt land.

### **1.3. Um jöfnunarsjóð**

Fjarskiptafyrirtæki sem á hafa verið lagðar alþjónustuskuldur geta sótt um til Póst- og fjarskiptastofnunar að þeim verði með fjárframlögum tryggt eðlilegt endurgjald fyrir þá starfsemi sem um ræðir ef talið er að starfsemin sé rekin með tapi eða sé óarðbær.

Til að standa straum af fjárframlagi til fjarskiptafyrirtækja er innheimt jöfnunargjald á bókfærða veltu fjarskiptafyrirtækja sem starfrækja fjarskiptanet eða þjónustu.

Jöfnunargjald sem skattstjórar leggja á og innheimta af fjarskiptafyrirtækjum er svokallaður veltuskattur, sbr. 22. gr. fjarskiptalaga.

Ákvæði 2. og 3. mgr. 22. gr. fjarskiptalaga kveður á um gjaldstofn jöfnunargjalds, álagningarprósentu og endurskoðunarhlutverk PFS. Ákvæðin hljóða svo:

*„Skal jöfnunargjald lagt á fjarskiptafyrirtæki sem starfrækja fjarskiptanet eða þjónustu í hlutfalli við bókfærða veltu þessarar starfsemi. Með bókfærðri veltu er átt við rekstrartekjur sem fjarskiptafyrirtæki hefur af umræddri starfsemi hér á landi.*

*Jöfnunargjald samkvæmt lögum þessum skal nema 0,10% af bókfærði veltu skv. 2. mgr. Skal fjárhörf vegna alþjónustu endurskoðuð árlega af Póst- og fjarskiptastofnun og niðurstaða þeirrar endurskoðunar ásamt tillögu um breytt gjaldhlutfall, ef þörf þykir, lögð fyrir samgönguráðherra...“*

Ofangreint ákvæði felur í sér skattlagningarheimild og skilgreinir gjaldanda, skatthlutfallið og skattstofninn. Skattstofninn er bókfærð velta, þ.e. rekstrartekjur af fjarskiptastarfsemi hér á landi. Því er ljóst að þær rekstrartekjur sem ekki stafa af fjarskiptastarfsemi falla ekki undir gjaldstofninn. Fjarskiptastarfsemi tekur bæði til reksturs fjarskiptaþjónustu og fjarskiptanets. Samkvæmt þessu falla allar þær tekjur sem fjarskiptafyrirtæki fá frá viðskiptavinum sínum af fjarskiptastarfsemi undir gjaldstofninn.

### 1.3.1. Álagningarprósenta jöfnunargjalds

Á árinu 2009 kom fyrst til framkvæmda álagning jöfnunargjalds eftir að álagningarprósenta var hækkuð með lögum nr. 143/2007, úr 0,12% í 0,65%. Ástæða þessarar miklu hækkunar á álagningarprósentuna voru skuldbindingar sem fallið höfðu á jöfnunarsjóð vegna alþjónustuskyldu Símans, að veita gagnaflutningsþjónustu með 128 Kb/s flutningsgetu.

Með lögum nr. 145/2009 var álagningarprósenta 3. mgr. 22. gr. fjarskiptalaga lækkuð úr 0,65% í 0,10%. Í greinargerð með frumvarpinu kom fram að Síminn hafi ekki sótt um frekari framlög úr jöfnunarsjóði alþjónustu vegna gagnaflutningsþjónustu með 128 Kb/s flutningsgetu, né annarra alþjónustuskyldna sem hvíla á fyrirtækinu. Það sama gildi um Mílu ehf. og Já upplýsingaveitur ehf., en skyldum fyrirtækjanna að því er viðkemur alþjónustu er lýst í ákvörðun Póst- og fjarskiptastofnunar nr. 25/2007. Af þeim sökum hafi verið nauðsynlegt að lækka núverandi álagningarprósentu þannig að álagt jöfnunargjald á fjarskiptafyrirtæki landsins standi einungis undir þeirri þjónustu sem Neyðarlínunni er skylt að veita undir merkjum alþjónustu og fyrirtækið hefur sótt um að fá framlög fyrir undanfarin ár.

Miðað verður við þessa nýja álagningarprósentu við álagningu á árinu 2010 vegna rekstrarársins 2009.

Um álagningu og innheimtu, þ.m.t. fyrirframgreiðslu, jöfnunargjalds fer samkvæmt ákvæðum VII.-XIV. kafla laga nr. 90/2003, um tekjuskatt, með síðari breytingum, eftir því sem við á og skulu innheimtuaðilar standa Póst- og fjarskiptastofnun skil á innheimtum gjöldum mánaðarlega, sjá nánar 22. gr. fjarskiptalaga.

### 1.4. Markaðshagur og fl.

Með lögum nr. 78/2005 var 21. gr. fjarskiptalaganna breytt á þann veg að ef fjarskiptafyrirtæki telur að alþjónusta sem því er gert skylt að veita, sbr. 20. gr., sé rekin með tapi og því ósanngjörn byrði á fyrirtækinu geti það sótt um til Póst- og fjarskiptastofnunar að því verði með fjárframlögum tryggt eðlilegt endurgjald fyrir þá starfsemi sem um ræðir. Póst- og fjarskiptastofnun skal við útreikninga á kostnaði við alþjónustu m.a. taka mið af markaðsávinningi af því að veita þjónustuna. Í 11. gr. reglugerðar nr. 1356/2007 um alþjónustu eru settar nánari leiðbeiningar varðandi útreikning á kostnaði við alþjónustu.

Í 1. mgr. 11. gr. reglugerðarinnar er fjallað um rétt alþjónustuveitanda til að sækja um fjárframlög ef það tap sem er á þjónustunni er ósanngjörn byrði á fyrirtækinu. Þá er í 2. mgr. kveðið á um fyrir hvaða tíma þarf að vera búið að sækja um fjárframlög og í 3. mgr. er kveðið á um hvaða upplýsingar skulu fylgja umsókn um fjárframlag úr Jöfnunarsjóði.

- greinargóð lýsing á þeirri starfsemi sem sótt er um framlag fyrir.
- nákvæmar upplýsingar um hvert rekstrartapið af starfseminni er og hvernig það sundurliðast.
- greinargerð um á hvern hátt rekstrartapið er ósanngjörn byrði á fjarskiptafyrirtækinu.
- upplýsingar um hvernig bókhaldslegum aðskilnaði er háttað hjá fyrirtækinu, sbr. 6. mgr. 21. gr. fjarskiptalaga.

Með 3. gr. laga nr. 39/2007, var bætt við nýjum málslíð við 6. mgr. 21. gr. fjarskiptalaga, hið nýja ákvæði hljóðar svo: *“Ef slíkur aðskilnaður er ekki fyrir hendi skal Póst- og fjarskiptastofnun hafna umsókn fjarskiptafyrirtækis um fjárframlag.”* Í greinargerð með frumvarpinu kemur fram að Póst- og fjarskiptastofnun sé gert skylt að hafna umsókn fjarskiptafyrirtækis um fjárframlag ef sá þáttur starfseminnar sem háður er fjárframlögum skv. 21. gr. laganna er ekki bókhaldslega aðskilinn frá annarri starfsemi fjarskiptafyrirtækisins. Ljóst er að tilvitnuð breyting á fjarskiptalögum mun hafa áhrif á hvernig umsóknir um framlag úr sjóðnum verða meðhöndlaðar í framtíðinni.

Í 5. mgr. reglugerðar um alþjónustu er fjallað um meðferð umsóknar hjá Póst- og fjarskiptastofnun. Stofnuninni ber í upphafi að meta hvort viðkomandi þjónusta sé óhjákvæmileg og verði ekki aflögð né tryggð með öðrum hagkvæmari hætti. Þá er einnig gert ráð fyrir að lagt sé mat á það hvort alþjónustuskyldan og þar með tap alþjónustuveitandans sé ósanngjörn byrði á umsækjanda. Gert er ráð fyrir að Póst- og fjarskiptastofnun geti kveðið upp sjálfstæða ákvörðun þar sem einungis væri tekist á um ofangreind atriði.

Ef niðurstaðan hér að ofan verður á þá leið að tap alþjónustuveitanda sé ósanngjörn byrði á fyrirtækinu, hefst annað stig í meðferð umsóknarinnar þar sem reikna þarf nettókostnað umsækjanda að teknu tilliti til markaðsávinninga fyrirtækisins. Í reglugerðinni eru nefndir nokkrir þeir þættir sem taka á tillit til, s.s. æviferilsáhrif, alnánd, ímynd og vörumerki. Ekki hefur verið talið að Neyðarlínan hafi markaðsávinning af því að veita alþjónustu á sviði neyðarsímsvörunar, sbr. ákvarðanir Póst- og fjarskiptastofnunar nr. 23/2007, sem tók til framlags úr jöfnunarsjóði fyrir árið 2008, ákvörðun nr. 12/2009, sem tók til framlags úr jöfnunarsjóði fyrir árið 2009 og ákvörðun nr. 15/2010, sem tók til framlags úr jöfnunarsjóði fyrir árið 2010.

Eins og fram kemur í inngangsorðum þessarar skýrslu skal Póst- og fjarskiptastofnun birta greinargerð um þann ávinning sem stofnunin telur að fjarskiptafyrirtæki sem veita alþjónustu hafi haft. Póst- og fjarskiptastofnun telur eðlilegt að greinargerð um markaðsávinning alþjónustuveitandi verði aðeins tekin saman í tengslum við umsókn alþjónustuveitanda um fjárframlög úr jöfnunarsjóði vegna taps á þjónustu sem fellur undir alþjónustu. Helgast þetta af þeirri staðreynd að nán tengsl eru á milli umsóknar alþjónustuveitanda um framlag úr jöfnunarsjóði og útreikninga á markaðsávinningi. Þá er líklegt að mörg álitæfni muni koma upp um hvernig reikna beri markaðshag alþjónustuveitanda sem eðlilegt er að leyst verði úr í tengslum við meðferð umsóknar alþjónustuveitanda um framlög úr sjóðnum.

## **2. Umsóknir um framlög úr jöfnunarsjóði vegna ársins 2009**

Með ákvörðun Póst- og fjarskiptastofnunar nr. 12/2009 var Neyðarlínunni ákvarðað framlag úr sjóðnum fyrir árið 2009 að upphæð 33.371.618 kr. og eru þetta einu skuldbindingarnar sem fallið hafa á sjóðinn á árinu 2009.

## **2.1. Mál fyrir dómstólum.**

Eins og fram kemur hér að ofan hefur Síminn ekki sótt um frekari framlög úr jöfnunarsjóði vegna þeirra alþjónustuskyldna sem hvíla á fyrirtækinu. Fyrirtækið stefndi hins vegar Póst- og fjarskiptastofnun fyrir hönd jöfnunarsjóðs til greiðslu dráttarvaxta vegna þess framlags sem fyrirtækinu var ákvarðað með úrskurði úrskurðarnefndar nr. 1/2007. Krafa Símans var að jöfnunarsjóður alþjónustu verði dæmdur til að greiða fyrirtækinu kr. 163.233.277, ásamt dráttarvöxtum frá 10. nóvember 2007 til greiðsludags, allt að frádreginni innborgun þann 26. febrúar 2009 að fjárhæð kr. 163.233.277, sem dragast skyldi frá kröfunni miðað við stöðu hennar á innborgunardegi.

Með dómi Héraðsdóms Reykjavíkur, dags. 25. júní 2010 var Póst- og fjarskiptastofnun f.h. jöfnunarsjóðs alþjónustu, sýknuð af kröfu Símans um greiðslu dráttarvaxta af ákvörððu framlagi til handa fyrirtækinu vegna veitingar gagnaflutningsþjónustu með 128 Kb/s flutningsgetu. Hið ákvarðaða framlag var til komið vegna alþjónustukvaðar á fyrirtækið á árinu 2005.

### 3. Yfirlit yfir álagningu á fjarskiptafyrirtæki

Neðangreindar upplýsingar eru unnar úr gögnum frá Fjársýslu ríkisins og sýna álagningu, breytingar, afskriftir, innheimtu og eftirstöðvar fyrir árið 2009.

#### 3.1. Yfirlit yfir álagningu, breytingar, afskriftir og innheimtu á árinu 2009

Tafla 1

Kennitala	Nafn	Eftirst. 2008	Álagning	Breytingar	Afskriftir	Innheimta	Eftirst. 2009
610103-2940	Atlassími ehf	26.402				( 26.402)	0
690197-3169	Ábótinn ehf	0	63.314			( 63.314)	0
481188-1219	Brimrún ehf	0	68.138			( 68.138)	0
620399-2219	DVD-Margmiðlun ehf	0	94.250			( 94.250)	0
431003-3090	Eintúnaháls ehf	0	3.250			( 3.250)	0
610502-2530	EJS ehf	0	81.250			( 81.250)	0
580902-2190	Farice hf	0	7.358.544			( 7.358.544)	0
561000-3520	Fjarski ehf	90.362	1.431.301			( 1.521.663)	0
570899-2289	Fjölnet hf	0	305.714			( 305.714)	0
610504-3020	Flugfjarskipti ehf	0	24.499			( 24.499)	0
590900-2730	Gagnanet ehf	18.840					18.840
691206-3780	Gagnaveita Reykjavíkur ehf	0	4.351.484			( 4.351.484)	0
690506-1140	Gagnaveita Skagafjarðar ehf	0	92.967			( 92.967)	0
560608-2090	GlobalCall	0	65.000			( 65.000)	0
551100-3240	Hátíðni hf	13.073	26.656	3.460		( 20.159)	23.030
520104-2240	Hreinar ehf	600				( 600)	0
700395-2949	Hringiðan ehf/Vortex Inc.	0	180.742			( 180.742)	0
570500-3680	Hörputónar ehf	0	3.250			( 3.250)	0
420407-0330	IceCell ehf.	0	81.250			( 81.250)	0
620600-3690	IMC Ísland ehf	1.920	81.250			( 83.170)	0
660595-2449	Intemet á Íslandi hf	0	9.971			( 9.971)	0
681201-2890	IP-fjarskipti ehf	461.227	7.475.000			( 2.867.235)	5.068.992
600900-2770	Ipsnet ehf	0	81.250			( 81.250)	0
430805-0530	Já Upplýsingaveitur ehf	0		( 12.000)		12.000	0
420269-2779	Látravík ehf	0		( 14.673)		14.673	0
670199-2319	Ljóshraði ehf	10.411					10.411
501203-3350	Magus ehf	3.360					3.360
410305-1270	Martölvan ehf	1.556	6.197			( 7.753)	0
451101-2930	Nepal húgbúnaður ehf	0	81.250			( 81.250)	0
460207-1690	Míla ehf	0	32.324.409			( 32.324.409)	0
450701-2620	Netsamskipti ehf	0	140.870			( 84.328)	56.542
511095-2559	Neyðarlínan ohf	0	2.360.501			( 2.360.501)	0
531205-0810	Nova ehf	0	4.864.397			( 4.864.397)	0
470905-1740	Og fjarskipti ehf	0	67.149.353			( 67.149.353)	0
540269-5729	Ríkisútvarpið	4.713	137.167			( 141.880)	0
701104-3070	SH-Hús ehf	0	3.250				3.250
680604-4280	Sími og net fjarskipti ehf	28.350			( 28.350)		0
500269-6779	Síminn hf	0	127.830.431			( 127.830.431)	0
430197-2319	Snerpa ehf	0	460.078			( 95.365)	364.713
601200-2520	Skyggirnir hf upplýsingaþjónusta	0	471.757			( 471.757)	0
590269-7199	Skýrr hf	0	612.364			( 612.364)	0
480905-2100	Spakur ehf	38.520		( 38.520)			0
660204-2880	Svar tækni ehf	6.000				( 6.000)	0
660702-2880	Tengir hf	0	737.440			( 737.440)	0
430402-3740	Topp húsið	0	55.707			( 55.707)	0
571201-2670	TSC ehf	0	45.821			( 45.821)	0
700895-2549	Tölvu- og rafeindaþj Suðurl ehf	0	58.500			( 58.500)	0
690393-2989	Tölvun ehf,verkfræði-/tölvuþjón	8.972				( 8.972)	0
411199-2749	Þekking - Tristan hf	0	324.596			( 324.596)	0
430171-0469	Ögurvík hf	0	0	( 1.005.704)		1.005.704	0
		<b>714.306</b>	<b>259.543.168</b>	<b>( 1.067.437)</b>	<b>( 28.350)</b>	<b>( 253.612.549)</b>	<b>5.549.138</b>



### 3.2. Staða jöfnunarsjóðs

Í töflu 2 er yfirlit yfir álagningu, breytingu, afskriftir, innheimtu og stöðu hvers árs:

**Tafla 2**

Ár	Est. í ársb.	Álagning	Breytingar	Afskriftir	Innheimta	Est. í árslok
Árið 2000		13.931.078			9.818.302	4.112.776
Árið 2001	4.112.776	14.860.992			6.596.238	12.377.530
Árið 2002	12.377.530	52.479.301	(5.489.029)	66	40.900.639	18.467.097
Árið 2003	18.467.097	51.436.749	(54.338.594)	138.000	9.211.753	6.215.499
Árið 2004	6.215.499	32.123.869	(12.465.059)	690	25.330.489	543.130
Árið 2005	543.130	30.906.483	(2.282.680)		19.037.593	10.129.340
Árið 2006	10.129.340	30.791.689	(9.715.385)		27.661.746	3.543.898
Árið 2007	3.543.898	24.179.956	(10.805.553)		16.338.390	579.911
Árið 2008	579.911	38.854.117	9.746.550		48.466.272	714.306
Árið 2009	714.306	259.543.168	(1.067.437)	28.350	253.612.549	5.549.138
		549.107.402	(86.417.187)	167.106	456.973.971	

Í töflu 3 er yfirlit yfir tekjufærslur:

**Tafla 3**

Ár	Tekjufært	Gjaldf. afskr.	Framlag	Til ráðst.
Árið 2000.....	13.931.078		10.000.000	23.931.078
Árið 2001.....	14.860.992			14.860.992
Árið 2002.....	25.934.843	(66)		25.934.777
Árið 2003.....	18.015.584			18.015.584
Árið 2004.....	19.658.810	(690)		19.658.120
Árið 2005.....	28.623.803			28.623.803
Árið 2006.....	21.076.304			21.076.304
Árið 2007.....	13.374.403			13.374.403
Árið 2008.....	48.600.667			48.600.667
Árið 2009.....	258.475.731			258.475.731
	462.552.215	(756)	10.000.000	472.551.459

Samþykkt framlög úr jöfnunarsjóði hafa verið eftirfarandi síðustu 10 árin samkvæmt gögnum Póst- og fjarskiptastofnunar:

**Tafla 4**

Ár	Framlög
Árið 2000.....	18.618.302
Árið 2001.....	20.496.000
Árið 2002.....	20.496.000
Árið 2003.....	23.889.600
Árið 2004.....	26.735.628
Árið 2005.....	25.440.000
Árið 2006.....	25.440.000
Árið 2007.....	192.921.277
Árið 2008.....	30.100.000
Árið 2009.....	33.371.618
	417.508.425

Í töflu 4 kemur fram að samþykkt framlög úr jöfnunarsjóði hafa verið 417.508.425 kr. en álagt jöfnunargjald sjóðsins að viðbættu 10.000.000 kr. framlagi ríkisins hefur á sama tímabili numið 472.551.459 kr. Álagt jöfnunargjald á þessu 10 ára tímabili sem

liðið er frá því að gjaldið var tekið upp er því 55.043.034 kr. umfram framlög úr sjóðnum.

#### **4. Lokaorð**

Í ákvörðun Póst- og fjarskiptastofnunar nr. 25/2007, sem afmarkar alþjónustuskyldur Símans, Mílu og Já upplýsingarveitna, er kveðið á um að útnefningartímabil alþjónustukvaða sem lagðar eru á fyrirtækin sé til og með 31. desember 2010. Heimilt er að framlengja útnefningartímabilið um eitt ár. Með tilskipun Evrópuþingsins og Ráðsins nr. 2009/136/EB var samþykkt breyting á tilskipun nr. 2002/22/EC um alþjónustu og réttindi notenda. Eftir er að sjá hvaða áhrif þessar breytingar hafa á fjarskiptalöggjöf hér á landi og þar með á þær alþjónustukvaðir sem lagðar yrðu á fjarskiptafyrirtæki hér á landi. Póst og fjarskiptastofnun hefur tilkynnt Mílu ehf. og Símanum hf. um framlengingu á núverandi skyldum um eitt ár frá og með 31. desember n.k. Í ljósi nýlegra eigendaskipta á Já upplýsingaveitum þykir stofnuninni rétt að endurskoða þær skyldur sem nú hvíla á fyrirtækinu samkvæmt ákvörðun PFS nr. 25/2007 í sérstöku máli.